

Izveštaj o radu Ministarstva unutrašnjih poslova Kantona Sarajevo za period januar - juni 2014.godine

KRIMINALITET

U periodu **Januar – Juni 2014. godine**, konkretnim i ciljanim mjerama na postizanju što boljih rezultata u oblasti kriminaliteta, svakodnevno su vršeni poslovi i zadaci usmjereni ka prevenciji i sprečavanju vršenja krivičnih djela, prikupljanju činjenica i dokaza, identifikaciji i hvatanju izvršilaca, kao i pronalasku predmeta i stvari koji potiču iz kriminalnih radnji uz maksimalno poštivanje demokratskih standarda o osnovnim ljudskim pravima i slobodama.

STATISTIČKI PRIKAZ KRIMINALITETA

U prvom polugodištu 2014. godine u odnosu na isti period prethodne godine, kriminalitet na području Kantona Sarajevo posmatrano kroz statističke pokazatelje, karakteriše smanjenje broja registrovanih krivičnih djela za 6,8%, prijavljenih lica za 7,6%, povratnika u činjenju krivičnih djela za 6,2%, maloljetnih izvršilaca krivičnih djela za 26,5%, dok je povećan broj lica lišenih slobode za 1,2%.

U periodu Januar - Juni 2014. godine, registrovano je 3.031 krivično djelo, što je za 220 djela ili 6,8% manje u odnosu na period Januar - Juni 2013. godine.

U 988 slučajeva (32,6% od ukupnog broja djela), krivična djela su izvršena od strane poznatih izvršilaca, a 2.043 krivična djela (ili 67,4%), prijavljena su po nepoznatom, od kojih su za 950 naknadno otkriveni izvršioci (ili 46,5% od ukupnog broja prijavljenih djela po nepoznatom), što znači da su u izvještajnom periodu, za ukupno 1.938 krivičnih djela identifikovani osumnjičeni izvršioci ili 63,9% što je za 0,8% više u odnosu na uporedni period.

Za izvršenje navedenih djela prijavljeno je 1.499 lica, od kojih je 987 povratnika (ili 65,8% prijavljenih), 75 maloljetnika, a 680 lica je lišeno slobode (ili 45,4%).

KRIVIČNA DJELA	jan.-juni 2014.	jan.- juni 2013.	uporedba br.KD		“ukupna rasvjetljenost”	
			+ / -	%	br.KD	%
Protiv ustavnog poretka Federacije	0	1	-1	---	0	---
Protiv života i tijela	85	77	8	10,4%	74	87,1%
Protiv slobode i prava čovjeka i građanina	91	129	-38	-29,5%	86	94,5%
Protiv spolne slobode i morala	7	6	1	16,7%	6	85,7%
Protiv braka, porodice i mladeži	159	126	33	26,2%	159	100%
Protiv zdravlja ljudi	167	133	34	25,6%	167	100%
Protiv privrede, poslovanja i sigur.plat. prom.	6	1	5	500%	6	100%
Protiv imovine	2.199	2.421	-222	-9,2%	1145	52,1%
Protiv okoliša, poljoprivrede i prirodnih dob.	2	4	-2	-50%	1	50%
Protiv opće sigurnosti ljudi i imovine	50	63	-13	-20,6%	33	66%
Protiv sigurnosti javnog prometa	30	42	-12	-28,6%	30	100%
Protiv pravosuđa	16	10	6	60%	17 ¹	
106,3% Protiv javnog reda i pravnog prometa	165	171	-6	-3,5%	160	97%
Protiv podmićivanja i krivična djela protiv službene i druge odgovorne funkcije	3	7	-4	-57,1%	3	100%
Protiv privrede i jedinstva tržišta te KD iz oblasti carina (KZ BiH)	1	2	-1	-50%	1	100%
Dogovor, pripremanje, udruživanje i organizirani kriminal (KZ BiH)	0	4	-4	---	0	---
Zakon o nabavljanju, držanju i nošenju oružja i municije (Sl.novine Kantona Sarajevo br. 38/07)	50	54	-4	-7,4%	50	100%
UKUPNO	3.031	3.251	-220	-6,8%	1.938	63,9%

U odnosu na uporedni period manji je broj, prijavljenih lica za 123 (ili 7,6%), povratnika za 65 (ili 6,2%) i maloljetnika za 27 (ili 26,5%), dok je povećan broj lica lišenih slobode za osam (ili 1,2%).

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U periodu Januar – Juni 2014. godine prijavljeno je 85 krivičnih djela protiv života i tijela (što je za osam više u odnosu na isti period 2013. godine) od kojih je za 74 ili 87,1% poznat izvršilac. Zbog postojanja osnova sumnje da su ih počinili podneseni su službeni izvještaji protiv 93 lica, od kojih je 47 povratnika (ili 50,5%), a 35 je lišeno slobode.

Evidentirana su slijedeća krivična djela: ubistvo – tri djela (dva više), ubistvo u pokušaju – sedam (isti broj), teška tjelesna ozljeda – 49 (deset više), lahka tjelesna ozljeda – 22 djela (četiri manje) i učestvovanja u tuči – četiri djela (isti broj djela). Krivična djela **ubistva su** izvršena upotrebom noža u dva slučaja i udarcima tvrdim predmetom - jednom.

Krivična djela **ubistvo u pokušaju** izvršena su upotrebom noža – pet puta i upotrebom pištolja – dva puta.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 91 djelo (38 manje) i to: ugrožavanje sigurnosti – 88 djela, protupravno lišenje slobode – dva i narušavanje nepovredivosti doma – jedno djelo. Zbog izvršenja navedenih djela prijavljena su 83 lica od kojih je 58 povratnika u činjenju krivičnih djela (ili 69,9%), a 21 je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je sedam djela (jedno više) i to: bludne radnje – četiri, silovanje – dva i prinuda na spolni odnošaj - jedno djelo.

Za izvršenje djela iz ove oblasti prijavljeno je devet lica, od kojih je sedam lišeno slobode i uz službene izvještaje predato nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 159 krivičnih djela (33 više) i to: nasilje u porodici – 157, zapuštanje ili zlostavljanje djeteta ili maloljetnika i povreda porodičnih obaveza – po jedno djelo. Službeni izvještaji podneseni su protiv 160 lica od kojih je 97 povratnika (ili 60,6%), a 95 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 172 lica od čega je 109 povratnika (ili 63,4%), zbog postojanja osnova sumnje da su počinili 167 krivičnih djela (34 više) i to:

- neovlašćena proizvodnja i stavljanje u promet opojnih droga – 33 djela (11 više),
- posjedovanje i omogućavanje uživanja opojnih droga – 133 djela (24 više),
- prenošenje zaraznih bolesti – jedno djelo (nije bilo ovih djela u junu 2013. godine)

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv 42 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu („Amfetamin“, „Marihuanu“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 129 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Amfetamin“, „Heroin“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 89 lica je lišeno slobode (36 više).

U ovom periodu podnesena su 74 zahtjeva za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo

(osam više). Takođe s ciljem pronalaženja narkotičkih sredstava izvršen je pregled 74 lica (šest manje), 37 stambenih objekata (10 više) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	JANUAR-JUNI 2014. GOD.	JANUAR-JUNI 2013. GOD.
Marihuana (u gramima)	6.422,00	1.440,00
Marihuana (paketići)	67	101
Marihuana (JOINT - cigarete)	13	8
Heroin (paketići)	5	204
Heroin (u gramima)	42	30
Amfetamin (paketići)	65	117
Amfetamin (u gramima)	12.780,00	150
Kokain (paketići)	1	16
Hašiš (paketići)	2	1
Cannabis – biljka (kom.)	89	---
Cannabis – sjeme (kom.)	1000	---
pribor sa ostacima droge (komada)	44	33

U izvještajnom periodu pripadnici Uprave policije sproveli su niz efikasnih akcija na presijecanju “lanaca” trgovine opojnim drogama, što je rezultiralo zaplijenom veće količine opojnih droga Amfetamin – preko 12,5 kg, Marihuana – 6,4 kg, itd., te identifikacijom i lišenjem slobode 42 lica (14 više u odnosu na uporedni period) iz člana 238. KZ FBiH-a – Neovlašćena proizvodnja i stavljanje u promet opojnih droga.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljeno je šest djela (pet više) i to obmana pri dobijanju kredita ili drugih pogodnosti – dva djela, prijevara u privrednom poslovanju, zloupotreba ovlasti u privrednom poslovanju, krivotvorenje kreditnih i ostalih kartica bezgotovinskog plaćanja i izrada, nabavka, posjed, prodaja i davanje na upotrebu sredstava za krivotvorenje – po jedno djelo. Za izvršenje ovih djela prijavljeno pet lica i svi su povratnici u činjenju krivičnih djela.

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 72,6% ukupnog kriminaliteta. Naime, u periodu januar – juni 2014. godine registrovano je 2.199 ovih djela što je za 222 ili 9,2% manje djela u odnosu na period januar – juni 2013. godine.

Najbrojnija djela iz ove oblasti su: teške krađe – 1.254 (235 manje), krađe – 376 (devet manje), razbojništva – 298 (22 više), oštećenje tuđe stvari – 97 (tri više), prijevara – 65 (24 više), teška krađa u pokušaju – 33 (deset manje), utaja – 19 (13 manje), prikrivanje – 18 (tri više), itd. Zbog izvršenja navedenih djela prijavljeno je 598 lica od kojih su 442 povratnika u činjenju krivičnih djela (ili 73,9%), a 229 je lišeno slobode.

Za ukupno 1.145 djela ili 52,1% identifikovan je osumnjičeni izvršilac, što je u odnosu na isti period prethodne godine, povećanje za 0,3%.

Objekti napada pri vršenju krivičnih djela protiv imovine najčešće su bila motorna vozila (otuđenja pmv i “provale” u ista) - 626 (46 više), stambeni objekti – 367 puta

(180 manje), poslovni prostori i prodavnice – 202 (51 manje), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, itd.

U prvih šest mjeseci ove godine na području Kantona Sarajevo izvršeno je 430 krivičnih djela teških krađa motornih vozila, od čega je 108 ili 25,1% vraćeno (od strane policije MUP Kantona Sarajevo vraćena su 43 vozila, MUP-a RS-a – 20, drugih MUP-ova – deset, uz novčanu nadoknadu - četiri, a 31-no vozilo vlasnici su sami pronašli).

U odnosu na uporedni period broj otuđenih vozila, povećan je za 99 ili 29,9%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 18 lica (43 manje) od kojih je 16 povratnika (ili 88,9%).

Na području Kantona Sarajevo u prvom polugodištu ove godine registrovano je 298 krivičnih djela razbojništva (22 ili 8% više).

Razbojništva su počinjena u prodavnicama i drugim poslovnim prostorima - 144 puta (deset više), u sportskim kladionicama – 85 (60 više), na ulici – 56 (25 manje), itd.

Navedena djela izvršena su prijetnjom upotrebe vatrenog oružja – 154 puta (30 više), prijetnjom i upotrebom noža ili drugog oštrog predmeta (komad stakla, šrafciiger i sl.) – 96 (18 više) i upotrebom fizičke snage – 48 puta (26 manje).

Za ukupno 138 ovih djela ili 46,3%, identifikovan je osumnjičeni izvršilac što je za 3,7% manje u odnosu na isti period 2013. godine.

Broj teških krađa na naročito opasan ili naročito drzak način u periodu Januar-Juni 2014. godine u odnosu na uporedni period znatno je smanjen. Naime, evidentirano je 69 djela ove vrste što je za 61 ili 46,9% manje.

Ukupno je rasvijetljeno 57 ovih djela ili 82,6%, a za izvršenje ovih oblika teških krađa, prijavljeno je 19 lica, od kojih je 15 povratnika (ili 78,9%), a devet je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 50 djela (13 manje) i to: izazivanje opće opasnosti – 45 djela, nesavjesno čuvanje pasa i drugih opasnih životinja – četiri i nepropisno i nepravilno izvođenje građevinskih radova – jedno djelo. Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 38 lica, od čega su 24 povratnika (ili 63,2%), a 25 je lišeno slobode.

Krivična djela izazivanja opće opasnosti izvršena su na otvorenom prostoru – 42 puta, u stambenom objektu, prodavnici i garaži – po jednom. U 18 slučajeva je otvorenim plamenom izazvan požar, 18 puta je pucano iz vatrenog oružja, u osam slučajeva aktivirana je nepoznata eksplozivna naprava i u jednom slučaju su nestručnim građevinskim radovima oštećeni plinski vodovi. Posljedica izvršenja navedenih djela je ranjavanje dva lica i nastala materijalna šteta.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 165 krivičnih djela (šest manje) i to: nasilničko ponašanje - 58 djela, krivotvorenje isprave – 32, napad na službenu osobu u vršenju poslova sigurnosti – 30, nedozvoljeno držanje oružja ili eksplozivnih materija – 26, ovjeravanje neistinitog sadržaja – pet, sprečavanje službene osobe u vršenju službene radnje i skidanje ili povreda službenog pečata ili znaka – po četiri, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 188 lica, od kojih je 117 povratnika (ili 62,2%), a 76 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U periodu Januar- Juni 2014. godine **prijavljeno je 75 maloljetnika** zbog postojanja osnova sumnje da su **izvršili 115 krivičnih djela**. U poređenju sa istim periodom 2013. godine, broj krivičnih djela za čije izvršenje su prijavljena maloljetna lica **smanjen je za 12 ili 9,4%**. Takođe, **smanjen je i broj prijavljenih maloljetnih izvršilaca** ovih djela i to za **27 ili 26,6%**.

Pregled broja maloljetnih izvršilaca krivičnih djela za period Januar-Juni 2014. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	8	37	30	75

Među maloljetnim izvršiocima krivičnih djela, najveći broj je u dobi do 16 godina, dok je povratnika u izvršenju krivičnih djela bilo 29 (ili 38,7%).

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih izvršilaca krivičnih djela u proteklih šest mjeseci 2014. godine, može se konstatovati da su maloljetnici najveći broj krivičnih djela izvršili na području **općina Novo Sarajevo** (33 ili 28,7%), **Novi Grad** (22 ili 19,1%), **Centar** (16 ili 13,9%) i **Stari Grad** (15 ili 13%).

Od krivičnih djela u čijem izvršenju su učestvovali maloljetnici **najbrojnija su krivična djela protiv imovine - 70** (ili 60,9%), pri čemu prevladavaju **teške krađe** (27 ili 38,6%), **teške krađe na naročito drzak i opasan način** (11 ili 15,7%) i **razbojništva (11 ili 15,7%)**. U odnosu na isti period prošle godine, u proteklih šest mjeseci znatno je smanjen broj krivičnih djela krađa (za šest ili 50%) i teških krađa na naročito drzak i opasan način (za šest ili 35,3%).

Kada su u pitanju krivična djela protiv života i tijela, maloljetnici su prijavljeni za izvršenje 12 krivičnih djela iz ove oblasti i to: ubistvo u pokušaju-jedno, nanošenje teške tjelesne povrede-šest, nanošenje lahke tjelesne povrede-četiri i učestvovanje u tuči – jedno djelo. Proteklih šest mjeseci karakteriše znatno povećanje broja krivičnih djela nasilja u porodici izvršenih od strane maloljetnika (za 600%), kao i broja krivičnih djela napada na službenu osobu u vršenju poslova sigurnosti (za 200%).

Pregled registrovanih krivičnih djela izvršenih od strane maloljetnih lica za period Januar- Juni 2014/2013. godine

Naziv krivičnog djela	jan.-juni 2014.	jan.-juni 2013.	+ - %
Ubistvo u pokušaju	1	1	0,0
Teška tjelesna povreda	6	5	+20,0
Lahka tjelesna povreda	4	2	+100,0
Učestvovanje u tuči	1	2	-50,0
Ugrožavanje sigurnosti	1	4	-75,0
Silovanje	1	0	
Nasilje u porodici	7	1	+600,0
Neovlaš. proizvod. i stav. u promet opojnih droga	0	1	-100,0
Posjedov. i omoguć. uživanja opoj. droga	11	6	+83,3

Krađa	6	12	-50,0
Teška krađa	27	32	-15,6
Teška krađa-pokušaj	4	4	0,0
Teška krađa na naroč. opasan ili naročito drzak način	11	17	-35,3
Razbojništvo	11	13	-15,4
Razbojništvo- pokušaj	2	2	0,0
Razbojništvo-pomaganje	2	0	
Utaja	0	2	-100,0
Oštećenje tuđe stvari	6	5	+20,0
Pomoć učinitelju poslije učinjenog krivičnog djela	0	1	-100,0
Paljevina	1	0	
Izazivanje opće opasnosti	1	1	0,0
Nesavjesno čuvanje pasa i dr. opasnih životinja	0	1	-100,0
Učestvovanje u grupi ljudi koja učini krivično djelo	2	0	
Sprečavanje sl. osobe u vršenju službene radnje	0	1	-100,0
Napad na sl. osobu u vršenju poslova sigurnosti	6	2	+200,0
Nasilničko ponašanje	2	7	-71,4
Teška krivična djela protiv sigurnosti javnog prometa	0	1	-100,0
Nedozvoljeno držanje oružja i eksp. materija	1	2	-50,0
Krivotvorenje novca (čl 205 KZ BiH)	0	1	-100,0
ZONDINOM (čl. 52)	1	1	0,0
ukupno	115	127	-9,7

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu Januar-Juni 2014. godine na području Kantona Sarajevo registrovano je 11 slučajeva aktiviranja minsko-eksplozivnih sredstava (isti broj kao i u uporednom periodu) od kojih je devet imalo obilježja krivičnog djela izazivanja opće opasnosti. U dva slučaja izvršiooci su identifikovani i protiv njih su preduzete odgovarajuće zakonske mjere.

Kada su u pitanju posljedice koje su nastupile aktiviranjem eksplozivnih naprava, u jednom slučaju je smrtno stradalo jedno lice (samoubistvo), u drugom su prilikom izvođenja radova na lokalnom putu, na području Trebevića, usljed aktiviranja nepoznate eksplozivne naprave, dva lica zadobila teške, a dva lahke tjelesne ozljede i u trećem slučaju je jedno lice zadobilo tešku tjelesnu ozljedu nakon što je aktiviralo ručnu bombu (protiv ovog lica su preduzete zakonske mjere). U ostalim slučajevima nastupila je materijalna šteta na poslovnim i stambenim objektima, te na putničkim vozilima.

Policijski službenici su rasvijetlili slučaj aktiviranja eksplozivne naprave iz oktobra 2013. godine, a protiv učinioca je podnesen službeni izvještaj nadležnom tužilaštvu zbog osnova sumnje da je izvršio krivično djelo izazivanja opće opasnosti (čl. 323 KZ FBiH).

U proteklih šest mjeseci ove godine registrovano je sedam anonimnih dojava o postavljenim eksplozivnim napravama (u istom periodu 2013. godine šest), koje su se uglavnom odnosile na škole. Nakon KDZ pregleda utvrđeno je da su dojave bile lažne.

Policijski službenici su identifikovali lice koje je uputilo dojavu o eksplozivnoj napravi u zgradi Vlade Federacije BiH i protiv njega je nadležnom tužilaštvu

podnesen službeni izvještaj zbog osnova sumnje da je počinio krivično djelo iz člana 183 KZ FBiH (ugrožavanje sigurnosti).

POŽARI

Tokom prvog polugodišta 2014. godine, na području Kantona Sarajevo registrovano je 90 požara (34 više) u kojima je jedno lice poginulo.

Prema statističkim pokazateljima, 32 požara su izazvana namjerno, 11 zbog tehničkih nedostataka, dva su prouzrokovana nehatom, dok uzroci 45 požara spadaju u kategoriju ostalih.

Zbog izazivanja požara nadležnom tužilaštvu su podnesena 22 službena izvještaja: 18 iz člana 323 KZ FBiH (izazivanje opće opasnosti) i četiri iz člana 301 KZ FBiH (paljevina).

SAMOUBISTVA

U prvih šest mjeseci 2014. godine na području Kantona Sarajevo registrovano je 16 samoubistava (pet manje), koja su izvršena vješanjem i skokom sa visine – po šest puta, vatrenim oružjem – dva, bacanjem pod voz i aktiviranjem ručne bombe – po jedno.

Prema polu, izvršioци su tri žene i 13 muškaraca, od kojih su dva lica u dobi od 20 do 30 godina, sedam od 30 do 50 godina i sedam lica u dobi preko 50 godina.

JAVNI RED I MIR

Zbog raznih oblika narušavanja javnog reda i mira policijski službenici su u periodu Januar-Juni 2014. godine uručili, odnosno podnijeli ukupno **2.754** prekršajna **naloga i zahtjeva** za pokretanje prekršajnog postupka (naloga - 1.979, zahtjeva - 775), što u odnosu na prvo polugodište 2013. godine predstavlja **povećanje za 36 ili 1,3%**. Prekršajne sankcije preduzete su **protiv 2.968 lica (11 ili 0,4% manje)**.

Od ukupnog broja prekršajnih sankcija, 2.561 ili 93% odnosi se na prekršaje utvrđene Zakonom o prekršajima protiv javnog reda i mira, a 193 ili 7% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 368 ili 13,4% naloga i zahtjeva, 27 ili 1% na maloljetna lica i sedam ili 0,3% na strane državljane.

S obzirom na starosnu strukturu lica protiv kojih su u prvom polugodištu ove godine preduzete prekršajne sankcije (ukupno 2.968), najveći broj je onih starosne dobi preko 36 godina (1.602), zatim starosti između 26 i 35 godina (789) i između 19 i 25 godina (540), dok je maloljetnih učinilaca prekršaja bilo 37.

Prilikom narušavanja javnog reda i mira u periodu Januar-Juni 2014. godine, u slučajevima kada se radilo o prekršajima, teže su povrijeđena četiri lica (u prvom polugodištu 2013. godine nijedno), dok su lakše povrijeđena 172 lica (dva ili 1,1% manje).

Pregled broja uručenih/podnesenih naloga i zahtjeva za pokretanje prekršajnog postupka
za period Januar-Juni 2014. godine, po mjesecima

Januar-Juni 2012.	prekršajni nalozi	zahtjevi za ppp	ukupno
januar	404	119	523
februar	229	113	342
mart	264	126	390
april	303	89	392
maj	330	149	479
juni	449	179	628
ukupno	1.979	775	2.754

Prema strukturi prekršaja iz oblasti javnog reda i mira, **najbrojnija su prosjačenja**-1.387 (ili 50,4% od ukupnog broja); zatim tuče-323 (ili 11,7%); naročito drsko ponašanje-314 (ili 11,4%) i odbijanje naređenja i omalovažavanje policijskih službenika-228 (ili 8,3%). Znatno manje prekršaja učinjeno je svađom, vikom i nepristojnim ponašanjem-46; paljenjem petardi-10, uživanjem opojne droge na javnom mjestu – tri, te neovlaštenom upotrebom oružja -dva. Zbog svih ostalih prekršaja preduzeto je 248 prekršajnih sankcija. Preostala 193 prekršaja regulisana su Odlukom općinskih vijeća.

Tabelarni pregled strukture prekršaja iz oblasti javnog reda i mira
za period Januar-Juni 2014./ 2013.godina

Vrsta prekršaja	Broj prekršaja		+ - %	Učinioci		
	6 mj. 2014.	6 mj. 2013.		Ukupno	Maloljetnici	Povratnici
Tuče	323	397	-18,6	438	20	6
Naročito drsko ponašanje	314	325	-3,4	397	8	9
Odbijanje naređenja i omal. pol. sl.	228	221	+3,2	228	1	3
Svađa, vika, nepristojno ponašanje	46	73	-37,0	53	0	0
Uživanje opojne droge na j. mjestu	3	0		3	0	0
Neovlaštena upotreba oružja	2	6	-66,7	2	0	0
Paljenje petardi	10	13	-23,1	10	0	0
Prosjačenje	1.387	1.099	+26,2	1.386	0	332
Ostali prekršaji iz Zakona o JRiM	248	327	-24,2	254	2	8
Prekršaji prema odluci općin. vijeća	193	257	-24,9	197	6	10
UKUPNO	2.754	2.718	+1,3	2.968	37	368

U odnosu na isti period 2013. godine, smanjen je broj prekršajnih sankcija zbog prekršaja učinjenih tučama, naročito drskim ponašanjem, svađom, vikom, nepristojnim ponašanjem, neovlaštenom upotrebom oružja, paljenjem petardi i zbog ostalih prekršaja, dok je broj prekršaja učinjenih prosjačenjem, te odbijanjem naređenja i omalovažavanjem policijskih službenika povećan.

Prema mjestu izvršenja, najveći broj prekršaja učinjen je na **ulici i na drugim otvorenim prostorima**- 2.459 (ili 89,3%), a znatno manje u ugostiteljskim objektima- 84 (ili 3,1%), školama i školskim dvorištima- 16, trgovinskim radnjama – devet, vozilima javnog saobraćaja – osam, na sportskim terenima –četiri, te na ostalim mjestima – 174 prekršaja.

U odnosu na isti period 2013. godine, u proteklih šest mjeseci povećan je broj prekršajnih sankcija zbog prekršaja kojima se narušava javni red i mir na ulici i drugim otvorenim prostorima, u vozilima javno saobraćaja taj je broj isti, dok je na svim ostalim mjestima broj prekršaja smanjen.

Pored prekršajnih sankcija zbog prekršaja izvršenih u školama i školskim dvorištima, policijski službenici su zbog krivičnih djela izvršenih na ovom lokalitetu, nadležnom tužilaštvu podnijeli **11 službenih izvještaja** (u istom periodu 2013. godine 24) i to uglavnom zbog fizičkih napada i tuča ispred škola.

Policijski službenici su u proteklih šest mjeseci 2014. godine učestvovali u osiguranju 1.018 javnih skupova koji su održani na području Kantona Sarajevo (109 ili 9,7% manje u odnosu na isti period 2013. godine), a u 169 slučajeva izvršeno je KDZ osiguranje ovih skupova (dva ili 1,2% više). Preduzimane su planske i organizovane aktivnosti kako bi svi skupovi, kao što su sportske, kulturne i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno.

Do narušavanja javnog reda i mira u većem obimu došlo je prilikom održavanja nogometne utakmice između FK „Sarajevo“ i FK „Željezničar“, dana, 26.3.2014. godine na stadionu „Asim Ferhatović Hase“, na taj način što su navijači koji su se nalazili na južnoj tribini stadiona počeli lomiti i bacati stolice i druge tvrde predmete u pravcu policijskih službenika koji su osiguravali ovu utakmicu. Policijski službenici su ograničenom intervencijom potisnuli navijače udaljavajući ih od stadiona i sprečavajući direktne sukobe između navijača oba tima. Međutim, nasilničko ponašanje grupe navijača nastavljeno je i ispred stadiona, kao i tokom njihovog udaljavanja ulicom Alipašina kada su počeli sa izvlačenjem kontejnera na saobraćajnicu, uništavanjem saobraćajnih znakova i napadima na policijske službenike.

Ovom prilikom povrijeđeno je 11 policijskih službenika, od kojih je jedan teško povrijeđen, dok je 10 zadobilo lakše tjelesne povrede, a oštećeno je i službeno vozilo MUP-a Kantona Sarajevo.

PROTESTI GRAĐANA

Policijski službenici MUP-a Kantona Sarajevo su u proteklih šest mjeseci 2014. godine profesionalno, planski i u skladu sa Zakonom, poštujući sva prava građana, vršili osiguranje protestnih okupljanja građana. U većini slučajeva protesti su protekli bez ozbiljnijih incidenata. Međutim, protesti koji su otpočeli 07. februara ove godine, ispred zgrade Vlade Kantona Sarajevo u kojima je učestvovalo nekoliko hiljada građana, prerasli su u napade na policijske službenike i uništavanje objekata, putničkih motornih vozila i saobraćajne infrastrukture, te činjenje teških krađa u poslovne i trgovinske objekte. Usljed nasilničkog ponašanja grupa i pojedinaca povrijeđeno je 144 policijskih službenika, od kojih su 132 lakše, a 12 teže povrijeđena, a od ovog broja teže povrijeđenih njih 6 je zadržano na daljem liječenju. Tri službena motorna vozila su znatno oštećena, te velika količina opreme. Također, povrijeđeno je i 138 demonstranata.

Oštećeno je i zapaljeno više objekata, zgrada općine Centar, Vlade Kantona Sarajevo, Predsjedništva BiH i Ministarstva vanjskih poslova. Zapaljeno je i više putničkih motornih vozila koja su bila parkirana u neposrednoj blizini. O svim događajima obaviješteno je Kantonalno tužilaštvo u Sarajevu i Tužilaštvo Bosne i Hercegovine čiji tužitelji su rukovodili uviđajima na mjestu događaja. Policijski službenici MUP-a KS su protiv 39 izgređenika – učesnika protesta, podnijeli službene izvještaje nadležnom tužilaštvu zbog osnova sumnje da su počinili sljedeća krivična djela:

učestvovanje u grupi ljudi koja učini krivično djelo (čl. 341 KZ FBiH), nasilničko ponašanje (čl. 362 KZ FBiH), napad na službenu osobu u vršenju poslova sigurnosti (čl. 359 KZ FBiH), sprečavanje službene osobe u vršenju službene radnje (čl. 358 KZ FBiH), oštećenje tuđe stvari (čl. 293 KZ FBiH) i teška krađa (čl. 287 KZ FBiH) .

Protesti su nastavljeni i u toku mjeseca februara i marta ove godine, ali tom prilikom nije bilo ozbiljnijih incidenata niti narušavanja javnog reda i mira u većem obimu. demonstranti su svakodnevno mjesec dana u isto vrijeme blokirali najprometniju raskrnicu u centru grada i tako onemogućili normalno odvijanje saobraćaja. Početkom mjeseca marta ove godine, policijski službenici su u cilju nesmetanog odvijanja saobraćaja i normalizovanja stanja, bez upotrebe sile spriječili dalju blokadu saobraćajnica, tako da su protesti nastavljeni na trotoaru preko puta Predsjedništva BiH. Tom prilikom, svakodnevno se okuplja u prosjeku oko 10-tak građana, a protesti se odvijaju bez incidenata.

SAOBRAĆAJ

Tokom prvog polugodišta 2014. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom i broja poginulih lica, dok je smanjen broj nezgoda nastradalim licima i broj povrijeđenih lica.

Registrovane su 5.054 saobraćajne nezgode (78 ili 1,6 % više), 4.622 sa materijalnom štetom (86 ili 1,9 % više) i 432 sa nastradalim licima (osam ili 1,8 % manje).

U saobraćajnim nezgodama na području Kantona Sarajevo 547 lica je nastradalo (33 ili 5,7 % manje). Jedanaest lica je poginulo (jedno ili 10 % više), dok je 536 lica povrijeđeno (34 ili 6 % manje), 88 teže i 448 lakše.

Među poginulim licima je evidentirano šest pješaka, tri vozača i dva putnika.

Od ukupno 536 povrijeđenih lica, 256 je vozača (26 više), putnika – 158 (28 manje) i pješaka - 122 (32 manje). Kada je u pitanju stepen povreda, 28 vozača je teže, a 228 lakše povrijeđeno, 17 putnika je teže, a 141 lakše povrijeđen, dok su 43 pješaka teže i 79 lakše povrijeđena.

U naselju je registrovano 4.827 saobraćajnih nezgoda (devet sa poginulim, 392 sa povrijeđenim licima i 4.426 sa materijalnom štetom), van naselja 227 nezgoda (jedna sa poginulim, 30 sa povrijeđenim licima i 196 sa materijalnom štetom).

Registrovano je 1.469 saobraćajnih nezgoda na raskrnicama u naselju, 23 na raskrnicama van naselja, 20 na nadvožnjaku, 10 na pješačkom prelazu, 10 na prelazu preko željezničke pruge, dvije na mostu i 3.520 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji sigurnosti saobraćaja na području Kantona Sarajevo
Januar-Juni 2014/2013 godine

	2014	2013	+,-,%
UKUPNO SAOBRAĆAJNIH NEZGODA	5.054	4.976	+ 78 ili 1,6 %
Saobraćajne nezgode sa nastradalim licima	432	440	- 8 ili 1,8 %
Saobraćajne nezgode sa materijalnom štetom	4.622	4.536	+ 86 ili 1,9 %
POGINULO LICA	11	10	+ 1 ili 10 %
- vozači	3	4	- 1 ili 25 %
- putnici	2	1	+ 1 ili 100 %

- pješaci	6	5	+ 1 ili 20 %
POVRIJEĐENO LICA	536	570	- 34 ili 6 %
- vozači	256	230	+ 26 ili 11,3 %
- putnici	158	186	- 28 ili 15 %
- pješaci	122	154	- 32 ili 20,8 %

Broj nastradalih lica u saobraćajnim nezgodama po kategoriji učesnika
Januar- Juni 2014/2013. godine

	POGINULI			TEŠKO POVRIJEĐENI			LAKŠE POVRIJEĐENI		
	2014	2013	+, -, %	2014	2013	+, -, %	2014	2013	+, -, %
VOZAČI	3	4	- 1 ili 25 %	28	20	+ 8 ili 40 %	228	210	+ 18 ili 8,6 %
PUTNICI	2	1	+ 1 ili 100 %	17	19	- 2 ili 10,5 %	141	167	- 26 ili 15,6 %
PJEŠACI	6	5	+ 1 ili 20 %	43	44	- 1 ili 2,3 %	79	110	- 31 ili 28,2 %
UKUPNO	11	10	+ 1 ili 20 %	88	83	+ 5 ili 6 %	448	487	- 39 ili 8 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 113 lica, od 25 do 30 godina – 93 lica, od 41 do 50 godina – 79 lica, od 21 do 24 godine – 70 lica, od 51 do 65 godina – 59 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 4.181 (četiri lica poginula i 308 povrijeđeno), neprilagođena brzina- 755 (šest lica poginulo i 199 lica povrijeđeno), uticaj alkohola – 115 (jedno lice poginulo i 26 lica povrijeđeno), odron na putu - dvije saobraćajne nezgode sa materijalnom štetom i uticaj opojnih droga – jedna saobraćajna nezgoda (tri lica povrijeđena).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 99.172 vozila (43.943 manje).

Zbog tehničke neispravnosti, iz saobraćaja je isključeno 212 vozila (29 više), 1.748 vozača je zatečeno da upravlja vozilom pod dejstvom alkohola (1.280 manje), 5.457 bez korištenja sigurnosnog pojasa (969 manje), 1.390 bez položenog vozačkog ispita (278 manje), a 968 vozača je učestvovalo u saobraćaju bez važeće registracije (358 manje).

Zbog kršenja propisa iz oblasti sigurnosti saobraćaja uručeno je 75.016 prekršajnih naloga vozačima (18.598 manje), podneseno 475 zahtjeva za pokretanje prekršajnog postupka (70 više) i registrovano 30 krivičnih djela zbog ugrožavanja sigurnosti javnog prometa (12 manje).

MIRUJUĆI SAOBRAĆAJ I KONTROLA PJEŠAKA

Tokom perioda Januar – Juni 2014. godine, pripadnici Uprave policije su uručili 25.324 prekršajna naloga vozačima koji nisu poštivali saobraćajne propise prilikom parkiranja (7.675 manje u odnosu na isti period prošle godine), upozorili 2.449

vozača (919 manje), a specijalnim vozilom „pauk“ su premjestili 1.311 vozila (294 manje). Zahtjeva za pokretanje prekršajnog postupka nije bilo.

URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Službenici Jedinice za saobraćaj uručili su 4.564 prekršajna naloga vozačima. Takođe, pješacima koji su kršili propise uručeno je 314 prekršajnih naloga (540 manje), a upozoren je 581 pješak (204 manje).

ZAKONITOST U RADU

Tokom prvog polugodišta 2014. godine, registrovano je 30 napada na policijske službenike (12 više). U napadima su učestvovala 72 lica, među kojima su četiri maloljetnika. Tom prilikom je povrijeđeno 150 policijskih službenika, od čega 12 teže i 138 lakše.

Službenici policije su tokom izvještajnog perioda 28 puta opravdano upotrijebili silu (dvije više). Tokom prvog polugodišta 2014. godine, registrovano je 188 predstavlki, među kojima je za 49 predstavlki (11 manje) data saglasnost za sprovođenje unutrašnjih istraga, za 131 predstavku je donesen zaključak da je neosnovana, u tri slučaja predstavke su pripojene već otvorenoj istrazi, u tri slučaja dostavljene Sektoru krim. policije, dok je u dva slučaja stranka odustala od žalbe.

Postupano je po 17 predstavlki iz ranijeg perioda tako da je razmatrano ukupno 66 predstavlki.

Okončane su 43 predstavke, među kojima je 18 osnovanih, 16 je bilo bez dovoljno dokaza, četiri su neosnovane, dvije oslobađajuće, u dva slučaja predstavke su obustavljene, dok je u jednom slučaju postupak zastario.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2014.“

U periodu Januar – Juni 2014. godine evidentirano je 50 krivičnih djela koja su regulisana Zakonom o nabavljanju, držanju i nošenju oružja i municije (četiri manje), počinjena od strane 51 izvršioca, od kojih je 15 lišeno slobode.

Od strane Policijskih uprava fizičkim licima izdato je 407 odobrenja za nabavku vatrenog oružja (34 više), 435 oružnih listova (135 manje) i izvršene 93 zamjene oružnih listova za fizička lica (114 manje).

U sklopu aktivnosti na oduzimanju nelegalno posjedovanog oružja i drugih predmeta oduzeto je: 27 pištolja, 19 pušaka, 97 noževa ili drugih oštih predmeta, pet ručnih bombi, sedam boksera, 1.491 kom. municije različitog kalibra, 35 petardi, itd.

U ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om i Oružanim snagama BiH, aktivno su učestvovala u realizaciji akcije „ŽETVA 2014“s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ručne bombe – 54 komada.,
- mine, trombloni, granate i sl – 27 kom.,
- pištolji – četiri kom.,
- puške – jedan kom.,
- municija raznog kalibra – 906 komada., itd.

RAD POLICIJE U ZAJEDNICI

U okviru Rada policije u zajednici u proteklih pola godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provedene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom periodu izdvajamo sljedeće:

- Ostvarivana je saradnja sa “Sarajevskim otvorenim centrom” u provođenju projekta “Coming out! Zagovaranje i zaštite prava LGBT osoba”- nastavak dalje saradnje na treninzima i senzibiliziranju policijskih službenika u radu sa LGBT osobama u Kantonu Sarajevo, u organizaciji i pod pokroviteljstvom Kancelarije Europske komisije u BiH.
- U organizaciji Sarajevskog otvorenog centra i Fonda otvoreno društvo BiH” održano je predavanje na temu “Kako se postiže duboka društvena modernizacija” slučaj Španije u vezi postupanja sa LGBT osobama, uz prisustvo koordinatora i RPZ policijski službenici.
- U sklopu realizacije aktivnosti iz “Akcijskog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016.” održani su sastanci i predavanja u dvije srednje škole na temu “Neka znanje bude tvoje jedino oružje”.
- Takođe, u sklopu prethodnog akcijskog plana za prevenciju maloljetničkog prijestupništva preduzimane su brojne aktivnosti u vezi organizacije i neometanog obezbjeđenja provođenja manifestacije „11 Kids festival – Sarajevo 2014“, koji je održan u KSC „Zetra“ u vremenu od 06.06. do 10.06. 2014. godine. S tim u vezi ostvarivani su kontakti sa partnerskim institucijama i nevladinim organizacijama u cilju pripremanja materijalne podrške u sudjelovanju na ovoj manifestaciji, utvrđen je plan aktivnosti MUP-a KS, distribuirani plakati u cilju obavještenja osnovnih škola o održavanju manifestacije i preduzimane druge aktivnosti kako bi festival protekao u najboljem redu. Kao dio aktivnosti rada policije u zajednici službenici policije su iskoristili ovu priliku za druženje sa djecom, za predstavljanje svoga rada i edukaciju djece o sigurnosti u saobraćaju i drugim pitanjima iz oblasti svoga rada.

- Organizovan je radni sastanak predstavnika Uprave policije sa predstavnicima NVO „Prava za sve“, u vezi aktivnosti predmetne NVO koje imaju za cilj pomoć institucijama u Kantonu Sarajevo i izradi i donošenju interne antidiskriminacijske politike i procedura u postupanju u slučajevima diskriminacije, itd.

POSLOVI ADMINISTRACIJE

U okviru utvrđene organizacije Uprave, poslovi iz nadležnosti organizacionih jedinica vrše se u skladu sa Pravilnikom o unutrašnjoj organizaciji Ministarstva unutrašnjih poslova Kantona Sarajevo i utvrđenih radnih mjesta koja obavljaju državni službenici i namještenici.

Konstantno se radi na monitoringu primjene Standarda ISO 9001, odnosno da li je sistem upravljanja kvalitetom održavan i unaprjeđivan.

Organizacione jedinice u sjedištu su kroz interne dostavne knjige zaprimile 36898 predmeta i akata (13,7% više u odnosu na period 6 mjeseci 2013. godine kada je zaprimljeno 32440 predmeta i akata).

U oblasti upravnog rješavanja, po zahtjevu stranke i službenoj dužnosti, ukupno je zaprimljeno 1681 predmeta (35,5% više u odnosu na period Januar-Juni 2013. godine kada je zaprimljeno 1240 predmeta i akata), od čega 362 upravnih i 1319 van upravnog postupka.

Od ukupnog broja zaprimljenih 354 predmeta u prvostepenom postupku riješeno je 318 predmeta, iz prethodnog izvještajnog perioda je riješeno 23 predmeta, što je ukupno 341 riješenih predmeta.

Zaprimljeno je 1319 običnih predmeta i akata (akti poslovanja), koji se odnose na davanje mišljenja vezano za registraciju motornih vozila, zahtjeve za prijem u državljanstvo BiH i F BiH, na sprovođenje zakona, na matične knjige, mišljenja vezano za primjenu pojedinih zakona čija je primjena u nadležnosti ovog Ministarstva.

Po provjeri državljanškog statusa zaprimljeno je 206 predmeta od kojih je 188 urađeno.

Od ukupnog broja zaprimljenih 1319 predmeta urađeno je 831 predmeta, 372 predmeta je urađeno iz prethodnog izvještajnog perioda, što ukupno iznosi 1203 urađenih predmeta.

Na području Kantona Sarajevo u proteklih šest mjeseci 2014. godine ukupno je izdato 23398 pasoša.

(6,7% manje u odnosu na period 6 mjeseci 2013. godine kada je izdato 25084 pasoša)

Također, u istom izvještajnom periodu izdato je:

- ličnih karti 65118

(106% više u odnosu na period Januar-Juni 2013. godine - zaprimljeno 31545 zahtjeva),

- vozačkih dozvola 31062

(149,5% više u odnosu na period Januar-Juni 2013. godine - zaprimljeno 12468 zahtjeva).

U navedenom izvještajnom periodu obrađeno je 98500 zahtjeva za registraciju motornih vozila dok je u istom izvještajnom periodu 2013. godine obrađeno 103299 zahtjeva.

Sarajevo, 16.07.2014.godine

**Odjeljenje za odnose sa javnošću
MUP-a Kantona Sarjevo**